

Naalakkersuisunik qinersineq
(Naalakkersuisut Siulittaasuut)

Saqqummiussissut
(Naalakkersuisut Siulittaasuut)

Matumuuna siulittaasoqarfik qutsavigissavara Inatsisartut ullumi ataatsimiinneranni oqaluuserisassat saniatigut Naalakkersuisut katitigaanerannik allannguissamut inassuteqaammik saqqummiussisinaanera periarfissimmagu.

Ulloq 10. september 2018 Anthon Frederiksen, Partii Naleraq aamma Pele Broberg, Partii Naleraq Naalakkersuisuniit tunuarput.

Tassunga atatillugu periarfissaq manna atorlugu Anthon Frederiksen Pele Brobergilu qutsavigerusuppakka Naalakkersuisuni suleqataasimanerannut.

Isumaginninnermut Inatsisinillu atuutsitsinnermut oqartussaasutut akisussaaffik 10. september 2018-imiit Peqqissutsimut Iisimatusarnermullu Naalakkersuisumit Doris Jakobsen Jensenimit, Siumut, isumagineqalerpoq.

Aningaasaqarnermut oqartussaasutut akisussaaffik 10. september 2018-imiit Aatsitassanut, Suliffeqarnermut, Nunamut Namminermit Nunallu Avannarliit Suleqatiginnerannut Naalakkersuisumit Vittus Qujaukitsumit, Nunatta Qitornai, isumagineqalerpoq..

Periarfissaq iluatsillugu Doris Jakobsen Jensen aamma Vittus Qujaukitsoq naalakkersuisoqarfinnik immikkut akisussaaffeqarsimanerannik qutsaveqarfigaakka.

Naalakkersuisut katitigaanerisa allanngortinnissaannik kissaateqarpunga.

Inatsisartut Naalakkersuisullu pillugit Inatsisartut inatsisaanni § 22, imm. 3 kiisalu Inatsisartut Suleriaasianni § 5, imm. 3 malillugit Naalakkersuisuni ilaasortatut uku toqqarneqassasut inassutigaaara:

1. Siverth K. Heilmann, Atassut.
2. Vittus Qujaukitsoq, Nunatta Qitornai.
3. Simon Simonsen, Siumut.
4. Ane Lone Bagger, Siumut.
5. Nikkulaat Jeremiassen, Siumut.
6. Doris J. Jensen, Siumut.
7. Aqqalu Jeremiassen, Atassut.
8. Erik Jensen, Siumut.

Inatsisartut Naalakkersuisullu pillugit Inatsisartut inatsisaanni § 23 imm. 1 naapertorlugu Naalakkersuisoqarfinni ataasiakkaani Naalakkersuisunngortussat immikkut nalunaarutigineqassapput.

Taamatut oqaaseqarlunga Naalakkersuisut katitigaanerat pillugu siunnersuut Inatsisartuni oqaluuserisassanngortippara.